

大唐新翻護國仁王般若經序 佐九

代宗皇帝製 慧聚塔院

皇矣至覺子于元元載有海以般若之舟剪
綢林以智慧之劍綿絡六合羅罩十方弘宣
也深志應也大自權輿天竺詠誦漢庭行無
緣之慈納常樂之域信其博施傾芥城而逾

沈梓

遠仰夫湛寂超言象之又玄五始不究其初
一得罔根其本以彼取此何其遠哉朕忝嗣
鴻休不承大寶軫推構以夕惕方徹枕而假
寐夫其鎮乾坤遏冠扈和風雨著星辰與物
無爲以人難止不有般若其能已乎嘗澡身
定泉宅心秘道緬尋龍宮之藏稽合鷲峰之

旨懿夫護國實在茲經竊景行於波斯庶闡
揚於調御至若高張五忍足明懶隱之深永
祛衆難寔惟化清之本名假法假心空色空
推之於無則境智都寂引之於有迺津梁不
窮恩與黎蒸共臻實相而緹紬貝葉文字參
差東夏西天言音訛謬致使古今譯譯清濁

不同前後參詳輕重匪一其猶大輶終繼事
而增華璧彼堅冰始積水而非厲先之所譯
語質未融披讀之流臨文三覆凡諸釋氏良
用慨然

先聖翹誠玉毫澹慮真境發揮滿教搜綴缺
文詔大德三藏沙門不空推校詳譯未周部

卷三藏學究二諦教傳三密義了宗極伊成
字圓賽裳西指汎盃南海影與形對勸將歲
深妙印度之聲明洞中華之韻曲甘露沃朕
香風襲予旣而梵夾遠賈洪鍾待扣佇延吹
萬之籟率訓開三之典朕哀經棗棘悲感霜
露捧戴

遺詔不敢怠遑延振錫之羣英終爲山之九
仞開府朝恩許國以身歸佛以命弼我真教
申夫妙門爰令集京城義學大德良賁等翰
林學士常袞等於大明宮南桃園詳譯護國
般若畢并更寫定密嚴等經握槧含毫研精
曠遠曩者訛略刊定較然昔之沉隱鈞索煥

矣足可懸諸日月大燭昏衢潤之雲雨橫流
動植伏願

上資仙駕飛華雲於四天迤出塵勞躡金蓮
於十地朕理昧幽闈文慙麗則見推序述婉
撫空懷聊紀之於首篇庶克開于厥後將發
皇永永可推而行之時旃蒙歲木堇榮月也

佐九

仁王護國般若波羅蜜多經卷上

三藏沙門大廣智不空奉 詔譯

序品第一

如是我聞一時佛住王舍城鷲峰山中與大
比丘衆千八百人俱皆阿羅漢諸漏已盡無
復煩惱心善解脫慧善解脫九智十智所作

已辦三假寶觀三空門觀有爲功德無爲功
德皆悉成就復有比丘尼衆八百人俱皆阿
羅漢復有無量無數菩薩摩訶薩寶智平等
永斷惑障方便善巧起大行願以四攝法饒
益有情四無量心普覆一切三明鑒達得五
神通修習無邊菩提分法工巧技藝超諸世

間深入緣生空無相願出入滅定示現難量
摧伏魔怨雙照二諦法眼普見知衆生根四
無礙解演說無畏十力妙智雷震法音近無
等々金剛三昧如是功德皆悉具足復有無
量優婆塞衆優婆夷衆皆見聖諦復有無量
修七賢行念處正勤神足根力八勝與十徧

處十六心行趣諸現觀復有十六大國王波
斯匿王等各與若干千萬眷屬俱復有六欲
天王釋提桓因等與其眷屬無量天子俱色
四靜慮諸大梵王亦與眷屬無量天子俱諸
趣變化無量有情阿脩羅等若干眷屬俱復
有變現十方淨土而現百億師子之座佛坐

佐九

三

沈

其上廣宣法要一一座前各現一華是百億
華衆寶嚴飾於諸華上一一復有無量化佛
無量菩薩四衆八部悉皆無量其中諸佛各
各宣說般若波羅蜜多展轉流徧十方恒沙
諸佛國土有如是等諸來大衆各禮佛足退
坐一面

爾時世尊初年月八日入大寂靜妙三摩地。身諸毛孔放大光明普照十方恒沙佛土是時欲界無量諸天雨衆妙華色界諸天亦雨天華衆色間錯甚可愛樂時無色界雨諸香華香如須彌華如車輪如雲而下徧覆大眾普佛世界六種震動爾時大眾自相謂言大覺世尊前已爲我等說摩訶般若波羅蜜多金剛般若波羅蜜多天王問般若波羅蜜多大品等無量無數般若波羅蜜多今日如來放大光明斯作何事時室羅筏國波斯匿王作是思惟今佛現是希有之相必兩法兩普皆利樂即問寶蓋無垢稱等諸優婆塞舍利

一光中現寶蓮華其華千葉皆作金色上有化佛宣說法要是佛光明普於十方恒河沙等諸佛國土有緣斯現彼他方佛國中東方普光菩薩摩訶薩東南方蓮華手菩薩摩訶薩南方離憂菩薩摩訶薩西南方光明菩薩摩訶薩西方行慧菩薩摩訶薩西北方寶勝菩薩摩訶薩北方勝受菩薩摩訶薩東北方離塵菩薩摩訶薩上方喜受菩薩摩訶薩下方蓮華勝菩薩摩訶薩各與無量百千俱胝菩薩摩訶薩皆來至此持種種香散種種華作無量音樂供養如來頂禮佛足默然退坐合掌恭敬一心觀佛

佐九

四

仁王護國般若波羅蜜多經觀如來品第二

爾時世尊從三昧起坐師子座告大眾言吾知十六諸國王等咸作是念世尊大慈普皆欲色諸天各奏無量天諸伎樂聲徧三千大千世界爾時世尊復放無量阿僧祇光其明雜色一

等聞佛語已咸共讚言善哉善哉即散無量
諸妙寶花於虛空中變成寶蓋覆諸大衆靡
不周徧時波斯匿王即從座起頂禮佛足合
掌長跪而白佛言世尊菩薩摩訶薩云何護
佛果云何護十地行

佛告波斯匿王言護佛果者諸菩薩摩訶薩

應如是住教化一切卵生胎生濕生化生不
觀色相不觀色如受想行識我人知見常樂
我淨四攝六度二諦四諦力無畏等一切諸
行乃至菩薩如來亦復如是不觀相不觀如
所以者何以諸法性即真實故無來無去無
生無滅同真際等法性無二無別猶如虛空

蘊處界相無我我所是爲菩薩摩訶薩修行
般若波羅蜜多

波斯匿王白佛言世尊若菩薩衆生性無二
者菩薩以何相而化衆生耶佛言大王色受
想行識常樂我淨法性不住色不住非色受
想行識常樂我淨亦不住淨不住非淨何以

故以諸法性悉皆空故由世諦故由三假故
一切有情蘊處界法造福非福不動行等因
果皆有三乘賢聖所修諸行乃至佛果皆名
爲有六十二見亦名爲有大王若著名相分
別諸法六趣四生三乘行果即是不見諸法
實性波斯匿王白佛言諸法實性清淨平等

非有非無智云何照佛言大王智照實性非
有非無所以者何法性空故是即色受想行
識十二處十八界士夫六界十二因緣二諦
四諦一切皆空是諸法等即生即滅即有即
空刹那利那亦復如是以故一念中有九
十刹那一刹那經九百生滅諸有爲法悉皆

空故以甚深般若波羅蜜多照見諸法一切
皆空內空外空內外空空空大空勝義空有
爲空無爲空無始空畢竟空散空本性空自
相空一切法空般若波羅蜜多空因空佛果
空空空故空諸有爲法法集故有受集故有
名集故有因集故有果集故有六趣故有十

地故有佛果故有一切皆有善男子若菩薩住於法相有我相人相有情知見爲住世間即非菩薩所以者何一切諸法悉皆空故若於諸法而得不動不生不滅無相無無相不應起見何以故一切法皆如也諸佛法僧亦如也聖智現前最初一念具足八萬四千波羅蜜多名歡喜地障盡解脫運載名乘動相滅時名金剛定體相平等名一切智智大王此般若波羅蜜多文字章句百佛千佛百千萬億一切諸佛而共同說若有人於恒河沙三千大千世界滿中七寶以用布施大千世界一切有情皆得阿羅漢果不如有人於此經中乃至起於一念淨信何況有能受持讀誦解一句者所以者何文字性離無文字相非法非非法般若空故菩薩亦空何以故於十地中地地皆有始生住生及以終生此三十生悉皆是空一切智智亦復皆空大王若菩薩見境見智見說見受即非聖見是愚夫

見有情果報三界虛妄欲界分別所造諸業色四靜慮定所作業無色四空定所起業三有業果一切皆空三界根本無明亦空聖位諸地無漏生滅於三界中餘無明習變易果報亦復皆空等覺菩薩得金剛定二死因果空一切智亦空佛無上覺種智圓滿擇非擇

減真淨法界性相平等應用亦空善男子若有修習般若波羅蜜多說者聽者譬如幻士無說無聽法同法性猶如虛空一切法皆如也大王菩薩摩訶薩護佛果爲若此

爾時世尊告波斯匿王言汝以何相而觀如來波斯匿王言觀身實相觀佛亦然無前際無後際無中際不住三際不住五蘊不離五蘊不住三界不離三界不住四大不離四大不住六處不離六處等非一非異非此非彼非淨非穢非有爲非無爲無自相無他相無名無相無彊無弱無示無說非施非懲非戒非犯非忍非恚非進

非患非定非亂非智非愚非來非去非入非出非福田非不福田非相非無相非取非捨非大非小非見非聞非覺非知心行處滅言語道斷同真際等法性我以此相而觀如來佛言善男子如汝所說諸佛如來力無畏等恒沙功德諸不共法悉皆如是修般若波羅蜜多者應如是觀若他觀者名爲邪觀說是法時無量大衆得法眼淨

七
流

仁王護國般若波羅蜜多經菩薩行品第三

爾時波斯匿王白佛言世尊護十地行菩薩摩訶薩應云何修行云何化衆生復以何相而住觀察佛告大王諸菩薩摩訶薩依五忍法以爲修行所謂伏忍信忍順忍無生忍皆上中下於寂滅忍而有上下名爲菩薩修行般若波羅蜜多善男子初伏忍位起習種性修十住行初發心相有恒河沙衆生見佛法僧發於十信所謂信心念心精進心慧心定心不退心戒心願心謹法心迴向心具此十

心而能少分化諸衆生超過二乘一切善地是爲菩薩初長養心爲聖胎故

複次性種性菩薩修行十種波羅蜜多起十對治所謂觀察身受心法不淨諸苦無常無我沾貪瞋癡三不善根起施慈慧三種善根觀察三世過去因忍現在因果忍未來果忍

此位菩薩廣利衆生超過我見人見衆生等想外道倒想所不能壞

復次道種性菩薩修十回向起十忍心謂觀五蘊色受想行識得戒忍定忍慧忍解脫忍解脫知見忍觀三界因果得空忍無想忍無願忍觀二諦假鶯諸法無常得無常忍一切

法空得無生忍此位菩薩作轉輪王能廣化利一切衆生

復次信忍菩薩謂歡喜地離垢地發光地能斷三障色煩惱縛行四攝法布施愛語利行同事修四無量心慈無量心悲無量心喜無量心捨無量心具四弘願斷諸繩蓋嘗化衆

生修佛知見成無上覺住三脫門空解脫門無相解脫門無願解脫門此是菩薩摩訶薩從初發心至一切智諸行根本利益安樂一切衆生

復次順忍菩薩謂焰慧地離勝地現前地能斷三障心煩惱縛能於一身徧徧十方億佛

佐九

八

刹土現不可說神通變化利樂衆生

復次無生忍菩薩謂遠行地不動地善慧地能斷三障色心習氣而能示現不可說身隨類餽益一切衆生

復次寂滅忍者佛與菩薩同依此忍金剛喻定住下忍位名爲菩薩至於上忍名一切智

佐九

九

沈

觀勝義諦斷無明相是爲等覺一相無相平等無二爲第十一一切智地非有非無湛然清淨無來無去常住不變同真際等性無緣大悲常化衆生乘一切智乘來化三界善男子諸衆生類一切煩惱業異熟果二十二根不出三界諸佛示導應化法身亦不離此

若有說言於三界外別更有一衆生界者即是外道大有經說大王我常語諸衆生但斷三界無明盡者即名爲佛自性清淨名本覺性即是諸佛一切智智由此得爲衆生之本亦是諸佛菩薩行本是爲菩薩本所脩行五忍法中十四忍也

佛言大王汝先問言菩薩云何化衆生者菩薩摩訶薩應如是化從初一地至後一地自所行處及佛行處一切知見故若菩薩摩訶薩住百佛刹作贍部洲轉輪聖王修百法明門以檀波羅蜜多住平等心化四天下一切衆生若菩薩摩訶薩住千佛刹作忉利天王

沈

修千法明門說十善道化一切衆生若菩薩摩訶薩住萬佛刹作夜摩天王修萬法明門依四禪定化一切衆生若菩薩摩訶薩住億佛刹作觀世音天王修億法明門行菩提分法化一切衆生若菩薩摩訶薩住百億佛刹作化樂天王修百億法明門二諦四諦化一

切衆生若菩薩摩訶薩住千億佛刹作他化自在天王修千億法明門十二因緣智化一切衆生

若菩薩摩訶薩住萬億佛刹作初禪梵王修萬億法明門方便善巧智化一切衆生若菩薩摩訶薩住百萬微塵數佛刹作二禪梵王

修百萬微塵數法明門雙照平等神通願智化一切衆生若菩薩摩訶薩住百萬億阿僧祇微塵數佛刹作三禪梵王修百萬億阿僧祇微塵數法明門以四無礙智化一切衆生若菩薩摩訶薩住不可說不可說佛刹作第四禪大梵天王爲三界主修不可說不可說

法明門得理盡三昧同佛行處盡三界源普利衆生如佛境界是爲菩薩摩訶薩現諸王身化導之事十方如來亦復如是證無上覺常徧法界利樂衆生

爾時一切大衆即從座起散不可說華梵不可說香供養恭敬稱讚如來時波斯匿王即

於佛前以偈讚曰

世尊導師金剛體

八辨圓音爲開演

天人俱修出離行五忍功德妙法門三賢十聖忍中行

佛法衆海三寶藏十善菩薩發大心中下品善栗散王習種銅輪二天下道種堅德轉輪王伏忍聖胎三十人

佐九

十

三世諸佛於中學一切菩薩行根本若得信心必不退化利自他悉平等歡喜菩薩轉輪王權化有情遊百國

無不由此伏忍生是故發心信心難進入無生初地道是名菩薩初發心初照二諦平等理檀施清淨利群生

心行寂滅轉法輪時衆得道百萬億能習一切菩薩道十四菩薩能誦了唯佛一人能盡源

入理般若名爲住 住生德行名爲地
初住一心具衆德 於勝義中而不動
離垢菩薩忉利王 現形六趣千國土
戒足清淨悉圓滿 永離誤犯諸過失
無相無緣真實性 無體無生無二照
發光菩薩夜摩王 應形往萬諸佛刹

善能通達三摩地 隱顯自在具三明
歡喜離垢與發光 能滅色縛諸煩惱
具觀一切身口業 法性清淨照皆圓
焰慧菩薩大精進 観史天王遊億刹
實智寂滅方便智 逢無生理照空有
難勝菩薩得平等 化樂天正百億國

悉知三世無量劫 於第一義常不動
善慧菩薩三禪王 能於千恒一時現
常在無爲空寂行 恒沙佛藏一念了
法雲菩薩四禪王 於億恒土化羣生
始入金剛一切了 二十九生永已度
寂滅忍中下忍觀 一轉妙覺無等等

不動善慧法雲地 於第ニ義常不動
無明習相識俱轉 能於千恒一時現
正覺無相徧法界 恒沙佛藏一念了
寂照無爲真解脫 三十生盡智圓明
湛然不動常安隱 大悲應現無與等
三賢十聖住果報 光明徧照無所照
唯佛一人居淨土

一切有情皆暫住　登金剛原常不動
如來三業德無量　隨諸衆生等憐愍
法王無上人中樹　普蔭大眾無量光
口常說法非無義　人中師子爲演說
人中師子爲演說　甚深句義未曾有
塵沙刹土悉震動　大眾歡喜皆蒙益

世尊善說十四王　是故我今頭面禮
爾時百萬億恒河沙大眾聞佛世尊及波斯
匿王說十四忍無量功德獲大法利聞法悟
解得無生忍入於正位爾時世尊告大眾言
是波斯匿王已於過去十劫龍光王佛法
中爲四地菩薩我爲八地菩薩今於我前大

師子吼如是如是如汝所說得真實義不可
思議唯佛與佛乃知斯事
善男子此十四忍諸佛法身諸菩薩行不可
思議不可稱量何以故一切諸佛皆於般若
波羅蜜多中生般若波羅蜜多中化般若波
羅蜜多中滅而實諸佛生無所生化無所化

滅無所滅第一無二非相非無相無自無他
無來無去如虛空故善男子一切衆生性無
生滅由諸法集幻化而有蘊處界相無合無
散法同法性寂然空故一切衆生自性清淨
所作諸行無縛無解非因非果非不因果諸
苦受行煩惱所知我相人相知見受者一切

空故法境界空空無相無作不順顛倒不順
幻化無六趣相無四生相無聖人相無三寶
相如虛空故善男子甚深般若無知無見不行
不緣不捨不受正住觀察而無照相行斯
道者如虛空故法相如是有所得心無所得
心皆不可得是以般若非即五蘊非離五蘊

非即衆生非離衆生非即境界非離境界非
即行解非離行解如是等相不可思量是故
一切菩薩摩訶薩所修諸行未至究竟而於
中行一切諸佛知如幻化得無住相而於中
化故十四忍不可思量善男子汝今所說此
功德義有大利益一切衆生假使無量恒河

沙數十地菩薩說是功德百千億分如海一
滿三世諸佛如實能知一切賢聖悉皆稱讚
是故我今略述所說少分功德善男子此十
四忍十方世界過去現在一切菩薩之所修
行一切諸佛之所顯示未來諸佛菩薩摩訶
薩亦復如是若佛菩薩不由此門得一切智

佐九

十三

沈

者無有是處何以故諸佛菩薩無異路故善
男子若人聞此住忍行忍迴向忍歡喜忍離
垢忍發光忍焰慧忍難勝忍現前忍遠行忍
不動忍善慧忍法雲忍正覺忍能起一念清
淨信者是人超過百劫千劫無量無邊恒河
沙劫一切苦難不生惡趣不久當得阿耨多
羅三藐三菩提是時十億同名虛空藏菩薩
摩訶薩與無量無數諸來大衆歡喜踊躍承
佛威神普見十方恒沙諸佛各於道場說十
四忍如我世尊所說無異各各歡喜如說修
行般若波羅蜜多爾時世尊告波斯匿王汝
先問云復以何相而住觀察菩薩摩訶薩應

如是觀以幻化身而見幻化正住平等無有
被我如是觀察化利衆生然諸有情於久遠
劫初刹那識異於木石生得染淨各自能爲
無量無數染淨識本從初刹那不可說劫乃
至金剛終一刹那有不可說不可說識生諸
有情色心二法色名色蘊心名四蘊皆積聚
性隱覆真實大王此一色法生無量色眼得
爲色耳得爲聲鼻得爲香舌得爲味身得爲
觸堅持名地肆闊名水煖性名火輕動名風
生五識處名五色根如是展轉一色一心生
不可說無量色心皆如幻故善男子有情之
受依世俗立若有若無但生有情妄想憶念
作業受果皆名世諦三界六趣一切有情婆
羅門刹帝利毗舍首陀我人知見色法心法
如夢所見善男子一切諸名皆假施設佛未
出前世諦幻法無名無義亦無體相無三界
善惡果報六趣名字諸佛出現爲有情故
說於三界六趣染淨無量名字如是一切如

呼聲響諸法相續念念不住刹那刹那非一
非異速起速滅非斷非常諸有爲法如陽焰
故諸法相待所謂色界眼界眼識界乃至法
界意界意識界猶如電光不定相待有無一
異如第二月諸法緣成蘊處界法如水上泡
諸法因成一切有情俱時因果異時因果三

佐九

十四

世善惡如空中雲善男子菩薩摩訶薩住無
分別無彼此相無自他相當行化利相是故
應知愚夫垢識染著虛妄爲相所縛菩薩照
見知如幻士無有體相但如空華是爲菩薩
摩訶薩住利自他如實觀察說是法時會中
無量人天大衆有得伏忍空無生忍一地二

地乃至十地無量菩薩得一生補處

仁王護國般若波羅蜜多經二諦品第四

爾時波斯匿王白佛言世尊勝義諦中有世
俗諦不若言無者智不應二若言有者智不
應一一二之義其事云何佛言大王汝於過去
龍光王佛法中已問此義我今無說汝今

無聽無說無聽是即名爲一義二義汝今諦
聽當爲汝說爾時世尊即說偈言

無相勝義諦 體非自他作 因緣如幻有
亦非自他作 法性本無性 勝義諦空如
諸有幻有法 三假集假有 無無諦實無
寂滅勝義空 諸法因緣有 有無義如是

有無本自二
二諦常不即
非謂二諦一
於諦常自二
世諦幻化起
因緣故幻有

譬如牛二角 照解見無二
解心見無二 求二不可得
一亦不可得 於解常自一
了達此一二 真入勝義諦
譬如虛空華 如影如毛輪
幻化見幻化 愚夫名幻諦

十五

地

幻師見幻法

諦幻悉皆無 若了如是法

即解一二義

偏於一切法 應作如是觀

大王菩薩摩訶薩住勝義諦化諸有情佛及
有情一而無二何以故有情菩提此二皆空
以有情空得置菩提空以菩提空得置有情
空以一切法空空故空何以故般若無相二

諦皆空謂從無明至一切智無自相無他相於第一義見無所見若有修行亦不取著若不修行亦不取著非行非不行亦不取著於一切法皆不取著菩薩未成佛以菩提爲煩惱菩薩成佛時以煩惱爲菩提何以故於第一義而無二故諸佛如來與一切法悉皆如

故波斯匿王白佛言十方諸佛一切菩薩云何不離文字而行實相佛言大王文字者謂契經應頌記別諷誦自說緣起譬喻本事本生方廣希有論議所有宣說音聲語言文字章句一切皆如無非實相若取文字相者即非實相大王修實相者如文字修實相即是諸佛智母一切有情根本智母此即名爲一切智體諸佛未成佛與當佛爲智母諸佛已成佛即爲一切智未得爲性已得爲智三乘般若不生不滅自性常住一切有情此爲覺性若菩薩不著文字不離文字無文字相非無文字能如是修不見修相是即名爲修文

字者而能得於般若真性是爲般若波羅蜜多大王菩薩摩訶薩護佛果護十地行護化有情爲若此也波斯匿王白佛言真性是一有情品類根行無量法門爲一爲無量耶佛言大王法門非一亦非無量何以故由諸有情色法心法五取蘊相我人知見種種根行品類無邊法門隨根亦有無量此諸法性非相非無相而非無量若菩薩隨諸有情見一見二是即不見一二之義了知一二非一非二即勝義諦取著一二若有若無即世俗諦是故法門非一非二大王一切諸佛說般若波羅蜜多我今說般若波羅蜜多無二無別汝等大眾受持讀誦如說修行即爲受持諸佛之法大王此般若波羅蜜多功德無量若有恒河沙不可說諸佛是一一佛教化無量不可說有情是一一有情皆得成佛是諸佛等復教化無量不可說有情亦皆成佛是諸佛等所說般若波羅蜜多有無量不可說那

度多億偈說不可盡於諸偈中而取一偈分
爲千分復於千分而說一分句義功德尚無
窮盡何況如是無量句義所有功德若有人
能於此經中起一念淨信是人即超百劫千
劫百千萬劫生死苦難何況書寫受持讀誦
爲人解說所得功德即與十方一切諸佛等

無有異當知此人諸佛護念不久當成阿耨
多羅三藐三菩提說是法時有十億人得三
空忍百萬億人得大空忍無量菩薩得住十
地

十六末
仁王護國般若波羅蜜多經卷上 佐九

仁王護國般若波羅蜜多經卷下

護國品第五

爾時世尊告波斯匿王等諸大國王諦聽諦
聽我爲汝等說護國法一切國土若欲亂時
有諸災難賊來破壞汝等諸王應當受持讀

誦此般若波羅蜜多嚴飾道場置百佛像百
菩薩像百師子座請百法師解說此經於諸
座前然種種燈燒種種香散諸雜華廣大供
養衣服卧具飲食湯藥房舍床座一切供事
每日二時講讀此經若王大臣比丘比丘尼
優婆塞優婆夷聽受讀誦如法修行災難即

滅太王諸國土中有無量鬼神一一復有無
量眷屬若聞是經護汝國土若國欲亂鬼神
先亂鬼神亂故即萬人亂當有賊起百姓喪
士國王太子王子百官互相是非天地變怪
日月衆星失時失度大火大水及大風等是
諸難起皆應受持講讀此般若波羅蜜多若
於是經受持讀誦一切所求官位富饒男女
慧解行來隨意人天果報皆得滿足疾疫厄
難即得除愈粗械枷鎖檢繫其身皆得解脫
破四重戒作五逆罪及毀諸戒無量過咎悉
得消滅大王往昔過去釋提桓因爲頂生王
領四軍衆來上天宮欲滅帝釋時彼天王即